

ՎԵՆԱՓԱՌ ՆԱՅՐԱՊԵՏԻ ԽՈՍՔԸ ԽՐԻՄՅԱՆ ՆԱՅՐԻԿԻ ՇԻՐԻՄԻ ԱՌՋԵՎ

Սիրելի բարեպաշտ հայորդիք. մեզ համար մեծագույն գոհունակություն է տեսնել այսօր մեր ժողովրդի զավակաց խմբված մեծանուն Կաթողիկոսի, մեծանուն Նայրապետ Խրիմյան Նայրիկի շիրիմի շուրջ հոգեհանգստյան պաշտոն կատարելու և աղոթք առ Աստված բարձրացնելու՝ հայցելով խաղաղ հանգիստ Մկրտիչ Առաջին Կաթողիկոս Խրիմյան Նայրիկի հոգուն:

Գեղեցիկ է երևույթը, որ որդեգրել է Վասպուրական միությունը. ամեն տարի որպես ուխտ ներկայանալու Մայր Աթոռ Ս. Էջմիածին, իրենց հարգանքը մատուցելու Խրիմյան Նայրիկի հիշատակին, իսկ մեզ՝ Եկեղեցիներին համար այս արարողությունը նույնպես իմաստ ունի ծառայության ուխտի նորոգության, որովհետև Խրիմյան Ամենայն Նայոց Կաթողիկոսն այն մեծանուն Նայրապետներից էր, որ իր անձն ու իր կյանքը նույնացրել էր իր ժողովրդի ճակատագրի հետ, նրա առօրյա կյանքի, նրա ուրախությունների, նրա տառապանքների, նրա ցավերի, նրա ողբերի հետ: Եվ պատահական չէ, որ այսօր, կանգնած Խրիմյան Նայրիկի շիրիմի առջև, նրա տառապանքարին մենք կարդում ենք արձանագրված՝ «Նվագող վշտից հայրենյաց հայոց», որը հաստատվում է Նովհաննես Թումանյանի այն վկայությամբ, թե ինչպես է մի քահանա ներկայանում Նայոց Նայրիկին և իր վիշտն ու ցավը պատմում: Ներկայացնելով, թե քանի զավակ է կորցրել, որ իր ընտանիքի ողջ անդամները դարձել են գոհ թուրք յաթաղանի, Նայոց Նայրիկը հարցնում է. «Որքա՞ն անձեր են եղել ընտանիքիդ մեջ, որ կորցրել ես, Տեր Նայր», պատասխանում է՝ շուրջ քսան, և քահանան ներկայացել էր Նայրիկի օրհնությունը ստանալու: Խրիմյան Նայրիկը, գլուխը խոնարհելով քահանայի առջև, ասում է. «Տեր Նայր, դու է, որ այս պահին պետք է օրհնես ինձ, որովհետև իմ կորուստս շատ ավելի մեծ է, իմ կորուստս իմ ժողովրդի բազմահազար զավակներն են»:

Արդարև, սիրելիներ. Խրիմյան Նայրիկը մեր ժողովրդի այն զավակներից էր, որը որքան հեռանում է մեզանից, այնքան ավելի է ընկալելի դառնում մեզ համար նրա մեծությունը՝ անձի և գործի: Մեծ հայրենասեր, նվիրյալ հայրենյաց, մեծագույն ուսուցիչ, դաստիարակ: Խրիմյան Նայրիկի հոգին այսօր, կարծում եմ, պետք է որ խոսի յուրաքանչյուր հայորդու, որովհետև այն զգացումները, այն մտածումները, այն ոգին, որ տրոփում էր Խրիմյան Նայրիկի կրծքի ներքո, համահունչ է մեր այս ժամանակներում ապրելու, հարապրելու, հայրենիքը շենացնելու, հայրենիքը գորացնելու պահանջներին, որ անհրաժեշտ է ներդրվի յուրաքանչյուր հայորդու կողմից հայրենական կյանքից ներս:

Մենք մեր գլուխն ենք խոնարհում մեր մեծագույն Նայրապետի՝ Խրիմյան Նայրիկի շիրիմի առջև, մեր սերը վերստին հաստատելով իր անձին, իր գործին և իր առա-

քելությանը, որն իր կենդանության իսկ օրոք մեծագույն գնահատանքի է արժանացել մեր ժողովրդի զավակաց կողմից, որ շնորհել է Ամենայն Հայոց Հայրապետին **Հայրիկ** անունը՝ այս բառի մեջ ամփոփելով իր սերը, իր հարգանքը, իր հավատարմությունը նրա առաքելությանը, նրա գործին և նրա հավատքին:

Թող Տերը վառ պահի հիշատակը Հայոց Հայրիկի և արգասավորի այդ հիշատակը նորանոր արարումներով, նորանոր իրագործումներով մեր հայրենական կյանքից ներս: Լինենք մշտապես հավատարիմ Հայոց Հայրիկին, նրա զգացումներին, նրա ապրումներին դեպի Հայրենին հայոց, դեպի ժողովուրդը: Թող Աստված օրհնի իրականություն դարձած երազը Հայոց Հայրիկի, որ է՝ անկախ Հանրապետությունը Հայոց, և պարզևի շեն ու բարգավաճ կյանք ու խաղաղ օրեր երկրին մեր և ժողովրդին հայոց, այժմ և հավիտյանս. ամեն: